

A woman with long dark hair is sitting at a desk, smiling. She is wearing a dark top and a light-colored jacket. Her hands are clasped together on the desk, holding a pen. The background is a bright window. A teal horizontal bar is overlaid on the image, containing white text.

**BOLSAS E PRÁCTICAS PROFESIONAIS**  
**ORGANISMOS PÚBLICOS GALEGOS**

# 1. Bolsas e prácticas profesionais

## 1.2. Organismos públicos galegos

A Consellería de Traballo e Benestar convoca, a través da Dirección Xeral de Xuventude e Voluntariado, estas axudas para a realización de prácticas formativas non remuneradas en empresas de Alemaña, Austria, Bélxica, Bulgaria, Chipre, Croacia, Dinamarca, Eslovaquia, Eslovenia, Estonia, Finlandia, Francia, Grecia, Hungría, Irlanda, Islandia, Italia, Letonia, Liechtenstein, Lituania, Luxemburgo, Malta, Noruega, P. Baixos, Polonia, Portugal, Azores, Madeira, R. Checa, R. Unido, Romanía, Suecia e Turquía. As bolsas teñen como finalidade apoiar a formación da mocidade galega mediante a mellora da súa empregabilidade, de xeito que poidan constatar unha práctica formativa no estranxeiro como parte do currículo.

## CONSELLERÍA DE TRABALLO E BENESTAR PROGRAMA GALEUROPA. PRÁCTICAS FORMATIVAS

### Requisitos

- Estar inscritos/as no ficheiro do Sistema nacional de garantía xuvenil no ámbito da Comunidade Autónoma de Galicia.
- Ter menos de 30 anos. O requisito de idade debe cumprirse no momento de solicitar a inscrición no ficheiro do SNGX.
- Ademais dos requisitos anteriores, en coherencia coa citada Lei 18/2014 deberán cumprir:
  - Non ter traballado nos trinta días naturais anteriores ao momento de recibir a actuación.
  - Non ter recibido accións educativas que comporten máis de corenta horas mensuais nos noventa días naturais anteriores ao momento de recibir a actuación.
  - Non ter recibido accións formativas que comporten máis de corenta horas mensuais nos trinta días naturais anteriores ao momento de recibir a actuación.

### Lugar

No país da Unión Europea seleccionado polo beneficiario.

### Prazos de solicitude

Os prazos de solicitude serán os que estableza cada convocatoria.

### Proceso de selección

Para máis información:

<http://xuventude.xunta.es/programas-eu/galeuropa>

### Duración e contía

A estadía será dun mínimo de 2 meses e máximo 4 meses consecutivos.  
A contía da axuda variará en función do país no que se realicen as prácticas, tendo dereito a solicitar un anticipo do 80% da axuda.

## 1. Bolsas e prácticas profesionais

### 1.2. Organismos públicos galegos

A Dirección xeral de Comercio da Xunta de Galicia convoca bolsas de formación para a realización de actividades dentro das súas competencias, integrando no plan formativo aspectos relativos á actividade comercial, o estudo e análise da pequena e mediana empresa comercial, o sector da distribución e as estruturas comerciais, así como a artesanía.

## CONSELLERÍA DE ECONOMÍA, EMPREGO E INDUSTRIA. DIRECCIÓN XERAL DE COMERCIO. BOLSAS DE FORMACIÓN

### Requisitos

- Presentar a solicitude segundo o anexo á convocatoria.
- Ter nacionalidade española ou doutro Estado membro da UE e estar domiciliado en Galicia.
- Acreditar un coñecemento da lingua galega no nivel de perfeccionamento ou Celga 4.
- Estar en posesión dun título universitario de licenciado/a, arquitecto/a, enxeñeiro/a, e ter rematados os estudos conducentes no ano 2009 ou posterior.
- Declaración de non percibir outras subvencións, bolsas, axudas, ingresos ou recursos que financien as actividades subvencionadas, así como soldos ou salarios que impliquen vinculación contractual ou estatutaria das persoas interesadas

### Lugar

Na Dirección xeral de Comercio da Consellería de Economía e Industria. Xunta de Galicia

### Prazos de solicitude

Convócanse xeralmente no segundo trimestre do ano (DOG).

### Proceso de selección

Unha comisión avaliadora examinará todas as solicitudes presentadas e os méritos acreditados.

Para máis información:

<http://economiaeindustria.xunta.es>

### Duración e contía

Cada bolsa estará dotada con 10.800€ brutos, distribuídos en pagamentos mensuais, a razón de 900€ por mes.

# 1. Bolsas e prácticas profesionais

## 1.2. Organismos públicos galegos

Convocatoria de axudas para a realización de prácticas en centros de traballo (FCT) por parte de estudantes de ciclos medios ou superiores en España ou en países da UE.

### CONSELLERÍA DE CULTURA, EDUCACIÓN E ORDENACIÓN UNIVERSITARIA. BOLSAS DE PRÁCTICAS EN CENTROS DE TRABAJO (FCT)

#### Requisitos

- Estar matriculado no último curso dun ciclo formativo de grao medio ou superior de formación profesional inicial, artes plásticas e deseño, ensinanzas deportivas, programas formativos e programas de cualificación profesional inicial.
- O alumnado debe rematar o período de formación práctica en centros de traballo antes do 31 de decembro de ese ano.
- Non incorrer en ningunha causa de exclusión.
- Estar ao corrente das contribucións tributarias e a Seguridade Social.

#### Lugar

En centros de traballo nacionais ou internacionais.

#### Proceso de selección

Máis información en: <https://www.xunta.gal>

#### Duración e contía

A duración máxima é o período de prácticas contemplado no plan de estudos.

Para aqueles que realizan as súas prácticas en Galicia a contía máxima é de 186€. Aqueles que as realicen fora da Comunidade Autónoma pero dentro do territorio español percibirán unha cantidade fixa de 200€.

Para os destinos no estranxeiro, a contía base sitúase entre os 120-240 euros mensuais e as semanais entre os 72 e os 150 euros, segundo o país.

# 1. Bolsas e prácticas profesionais

## 1.2. Organismos públicos galegos

A Consellería do Medio Rural convoca bolsas de formación de tecnólogos e persoal de apoio á investigación, bolsas de prácticas para os recentemente titulados en especialidades agrarias, forestais, veterinaria, tecnoloxía dos alimentos e bioloxía e bolsas de prácticas para alumnos e recentemente titulados de formación profesional da familia agraria.

### CONSELLERÍA DO MEDIO RURAL. BOLSAS DE FORMACIÓN

#### Requisitos

Ser estudante ou recentemente titulado nas especialidades seguintes:

- 16 bolsas de formación de tecnólogos: licenciados en enoloxía (2), ciencias químicas (2), ciencia e tecnoloxía dos alimentos (2), bioloxía (2), enxeñeiros agrónomos (2), enxeñeiros técnicos agrícolas (2), enxeñeiros de montes (2), enxeñeiros técnicos forestais (2).
- 14 bolsas de formación de persoal de apoio á investigación: ciclo superior en industria alimentaria (2), ciclo medio en elaboración de viño e outras bebidas (3), ciclos formativos de grao medio ou superior da familia agraria (2), ciclos formativos de grao medio ou superior da familia química (7).
- 16 bolsas de prácticas para estudantes de 1º curso (7) e 2º curso ou recentemente titulados (9) en ciclos da familia agraria, nos centros de formación e experimentación agroforestal dependentes da Secretaría Xeral de Medio Rural e Montes.
- 24 bolsas de prácticas en empresas e entidades relacionadas co sector agroforestal e alimentario, así como en unidades dependentes da Secretaría Xeral de Medio Rural e Montes: recentemente titulados como enxeñeiros agrónomos, enxeñeiros técnicos agrícolas, enxeñeiros de montes, enxeñeiros técnicos forestais, licenciados en veterinaria, en ciencia e tecnoloxía dos alimentos e en bioloxía.

#### Lugar

En unidades dependentes da Consellería do Medio Rural e en empresas e entidades relacionadas co sector agroforestal e climático.

#### Prazos de solicitude

No segundo trimestre do ano.

#### Proceso de selección

As solicitudes presentaranse no prazo dun mes dende a publicación da convocatoria no DOG. Para máis información: <http://ww.medioruralemar.xunta.es>

#### Duración e contía

A duración e contía depende do eido de formación.

- Bolsas de formación tecnólogos: 4 meses, 1.000€/mes.
- Bolsas de formación de persoal de apoio á investigación: 4 meses e 800€/mes.
- Bolsas de prácticas para estudantes de 1º curso (7) e 2º curso ou recentemente titulados (9) en ciclos da familia agraria, nos centros de formación e experimentación agroforestal dependentes da Secretaría Xeral de Medio Rural e Montes:
  - estudantes de 1º curso: 2 meses e 600€/mes.
  - estudantes de 2º curso ou recentemente titulados: 3 meses e 800€/mes.
- Bolsas de prácticas en empresas e entidades relacionadas co sector agroforestal e alimentario, así como en unidades dependentes da Secretaría Xeral de Medio Rural e Montes: 3 meses e 1.000€/mes.

# 1. Bolsas e prácticas profesionais

## 1.2. Organismos públicos galegos

A Consellería do Mar da Xunta de Galicia convoca un total de catro bolsas de formación, en réxime de concorrencia competitiva, para a realización de prácticas de produción de cría de bivalvos.

O tránsito á vida laboral é un dos aspectos máis relevantes nos novos enfoques da formación profesional. Dentro das iniciativas que se teñen revelado como máis eficaces para producir con éxito ese tránsito está o modelo de empresa tutelada. Este modelo facilita un período de práctica laboral nun ámbito de empresa simulada, no cal se reproducen os medios e procesos de produción e xestión reais, pero en que a titularidade dos medios de produción é da Administración responsable do proceso de formación. Co fin de facilitar o seu proceso de formación, os/as bolseiros/as contarán co asesoramento, orientación e dirección de dous/dúas titores/as que definirán as tarefas que se van realizar.

## CONSELLERÍA DO MAR: BOLSAS DE FORMACIÓN PARA TITULADOS/AS EN CICLOS FORMATIVOS DE ACUICULTURA

### Requisitos

Poderán ser beneficiarios/as destas bolsas aqueles/as solicitantes que cumpran os seguintes requisitos:

- a) Ter nacionalidade española, ser nacional dun país membro da Unión Europea ou ser estranxeiro/a con permiso de residencia en España no momento de solicitar a bolsa, sempre que domine algunha das linguas oficiais da Comunidade Autónoma de Galicia.
- b) Estar en posesión dun ciclo formativo de acuicultura na data de remate do prazo de presentación de solicitudes desta orde de convocatoria. Pode presentarse aquel alumnado titulado como técnico medio en Operacións de Cultivo Acuícolas/técnico medio en Cultivos Acuícolas e/ou técnico superior en Produción Acuícola/técnico superior en Acuicultura.
- c) Non estar incapacitado/a fisicamente ou padecer enfermidade que poida impedir a realización normal da actividade formativa obxecto das bolsas que se convocan.
- d) Non ter sido beneficiario/a destas bolsas ou outras similares en anteriores convocatorias.

### Lugar

Os/as beneficiarios/as realizarán as actividades prácticas de produción de cría de bivalvos nas instalacións do Instituto Galego de Formación en Acuicultura na Illa de Arousa (Igafa), segundo a programación formulada polo/a titor/a correspondente.

### Prazos de solicitude

Ata o 1 de agosto de 2016.

### Proceso de selección

Os servizos da Dirección Xeral de Desenvolvemento Pesqueiro comprobarán que todas as solicitudes reúnen os requisitos establecidos na presente orde e exporán, nun prazo de dez días desde o remate do prazo de presentación de solicitudes, a lista de solicitudes admitidas e excluídas. Unha vez completados os expedientes, remitiranse a unha comisión de avaliación constituída na Dirección Xeral de Desenvolvemento Pesqueiro, que os examinará e valorará segundo o establecido na Convocatoria. Só se valorarán aqueles méritos acreditados documentalmente polo/a solicitante xunto coa súa solicitude. A puntuación final obterase da suma do expediente académico, do currículo e da valoración da memoria.

As persoas candidatas serán ordenadas por orde decrecente da puntuación obtida e as bolsas adxudicaranse ás que acaden maior puntuación. Máis información [aquí](#).

### Duración e contía

As bolsas terán unha duración de dous (2) anos, contados desde a data indicada na resolución de concesión da bolsa e sen posibilidade de prórroga e o importe bruto mensual de cada bolsa será de oitocentos euros (800 €).

# 1. Bolsas e prácticas profesionais

## 1.2. Organismos públicos galegos

Convocatoria de Bolsas internacionais para titulados universitarios financiadas con fondos europeos.

### DEPUTACIÓN DE OURENSE. BOLSAS DA PARA ESTANCIAS E PRÁCTICAS LABORAIS EN EMPRESAS EUROPEAS

#### Requisitos

- Posuír titulación universitaria nunha universidade española ou estar en condición de obter a titulación na data que remate o prazo de presentación de solicitudes.
- Ter coñecementos de portugués e/ou inglés cun nivel suficiente para desenvolver unha práctica laboral axeitada ao seu grao de formación académica.
- Posuír coñecementos de informática a nivel de usuario.
- Non ter gozado anteriormente dunha bolsa do Programa Leonardo da Vinci do grupo obxectivo PLM: persoas no mercado laboral.

#### Lugar

Estados membros da UE, preferentemente Reino Unido e Portugal.

#### Prazos de solicitude

Segundo semestre do ano.

#### Proceso de selección

Previamente á validación, deberanse achegar, en formato electrónico, o formulario de solicitude e todos documentos avaliados non obrigatorios: certificado de empadramento nun municipio da provincia de Ourense; xustificante acreditativo de obter o título académico no Campus de Ourense (Universidade de Vigo) ou no centro asociado da UNED en Ourense, e certificado acreditativo da discapacidade do solicitante igual ou superior ao 33%.

Para máis información:

<http://becasinternacionais.depourense.es>

#### Duración e contía

As bolsas teñen unha duración media de 14 semanas e o importe difire en función do país de destino.

## 1. Bolsas e prácticas profesionais

### 1.2. Organismos públicos galegos

Bolsas para a realización de tarefas relacionadas coa arquivística, inventariado e catalogación, especialmente de arquivos gráficos, fotografía, gravado- estampado e tarxeta postal.

## DEPUTACIÓN DE PONTEVEDRA. BOLSAS PARA LICENCIADOS EN HISTORIA, CON DESTINO NO SERVIZO DE PATRIMONIO DOCUMENTAL E BIBLIOGRÁFICO

### Requisitos

- Estar en posesión do título de licenciatura ou grao en Historia ou en Información e Documentación, ou en condicións de obtelo na data na que remate o prazo de presentación de solicitudes.
- Estar en posesión da titulación académica correspondente aos estudos obxecto da bolsa con posterioridade ao 1 de xaneiro de 2009.
- Posuír a nacionalidade española ou ser nacional dun Estado membro da UE.
- Acreditar o coñecemento da lingua galega, nivel Celga 4
- Non estar incapacitado fisicamente ou padecer enfermidade que poida impedir o desenvolvemento da actividade obxecto da bolsa.
- Non ter sido beneficiario/a de bolsa na Deputación Provincial de Pontevedra.
- Dispoñes do carné de conducir B en vigor.

### Lugar

Deputación de Pontevedra.

### Prazos de solicitude

Último semestre do ano.

### Proceso de selección

Valóranse: Currículo Vitae da persoa solicitante, expediente académico, actividades relacionadas.

Para máis información:

[www.depontevedra.es](http://www.depontevedra.es)

### Duración e contía

A dotación económica das bolsas será de 840€ ao mes por persoa beneficiaria. A duración será de 12 meses.



# 1. Bolsas e prácticas profesionais

## 1.2. Organismos públicos galegos

A Deputación de Pontevedra convoca estas bolsas ,destinadas a titulados universitarios ou de formación profesional sen experiencia laboral previa no ámbito da súa titulación, co obxectivo de completar a súa formación para facilitar a súa incorporación ó mercado laboral.

### DEPUTACIÓN DE PONTEVEDRA. BOLSAS PARA PRACTICAS LABORAIS EN EMPRESAS DA PROVINCIA DE PONTEVEDRA

#### Requisitos

- Ter a nacionalidade española ou dun dos países da Unión Europea.
- Estar en posesión do título esixido para cada unha das bolsas convocadas na data en que remate o prazo de presentación de instancias.
- Ter finalizados os estudos obxecto da bolsa con posterioridade ó 1 de xaneiro do 2007.
- Non ser beneficiario na actualidade, nin beneficiarse con anterioridade, dunha bolsa dos plans de práctica laboral da Deputación nos distintos centros ou servizos, nin nos concellos ou empresas da provincia.
- Non beneficiarse anteriormente dunha bolsa remunerada de duración superior a seis meses nos extinguidos organismos autónomos.
- Estar empadroadado en calquera termo municipal da provincia de Pontevedra desde antes do 1 de xaneiro de 2015.
- Estar inscrito no Servizo Público de Emprego como demandante ou en mellora de emprego.
- Non ter experiencia laboral previa na profesión ou área de coñecementos.
- Acreditar o coñecemento da lingua galega, nivel Celga IV, nas bolsas de titulados universitarios, e nivel Celga III nas bolsas destinadas a ciclos superiores de formación profesional.

#### Lugar

Empresas da provincia de Pontevedra.

#### Prazos de solicitude

Segundo trimestre do ano.

#### Proceso de selección

O proceso de selección desenvolverase en dúas fases. A primeira, de concurso e valoración da documentación presentada polos aspirantes admitidos (expediente académico, cursos universitarios de doutoramento ou máster, posuír unha titulación universitaria ou de formación profesional distinta e de nivel igual ou superior á esixida), a segunda, de entrevista persoal cos candidatos que superen o corte establecido na primeira fase.

Para máis información:

<http://www.depo.es/becas>

#### Duración e contía

As bolsas terán unha duración de 6 meses e poderán ser prorrogadas por outros 6 meses por acordo da Xunta de Goberno.

A dotación económica das bolsas, determinada polo nivel de titulación, será de 800,00 € ó mes para titulados universitarios e de 700,00 € ó mes para ciclos superiores de formación profesional.

# 1. Bolsas e prácticas profesionais

## 1.2. Organismos públicos galegos

A Mesa do Parlamento de Galicia convoca bolsas co obxecto de realizar unha formación práctica nas materias de arquivo, biblioteca e documentación, comunicación institucional, publicacións, recursos técnicos e contratación e xestión parlamentaria, e 1 bolsa de formación de asistencia administrativa e servizos comúns para persoas con discapacidade intelectual.

### PARLAMENTO DE GALICIA. BOLSAS DE FORMACIÓN

#### Requisitos

- Ser español ou nacional dun Estado membro da UE ou nacional daqueles estados aos que, en virtude de tratados internacionais realizados pola Unión Europea e ratificados por España, sexa aplicable a libre circulación de persoas.
- Posuír as titulacións universitarias que seguen obtidas no ano académico 2011-2012 ou en anos posteriores: grao ou licenciatura en documentación, grao en información e documentación ou diplomatura en biblioteconomía e documentación; grao ou licenciatura en xornalismo, publicidade e relacións públicas ou comunicación audiovisual; grao en licenciatura en filoloxía galega; grao en arquitectura ou arquitectura técnica, en enxeñería de tecnoloxía industrial ou enxeñería en organización industrial; licenciatura ou grao en dereito, en ciencias políticas e da administración ou grao en dirección e xestión pública. ciencias da comunicación ou en ciencias sociais e da comunicación, licenciatura en filoloxía galega ou tradución e interpretación no caso de ter escollida como primeira lingua o galego, grao, licenciatura ou diplomatura en informática.
- Acreditar un coñecemento da lingua galega en nivel de perfeccionamento ou Celga 4.
- Non resultar beneficiario en convocatorias anteriores do Parlamento de Galicia.

#### Lugar

Na sede do Parlamento de Galicia.

#### Prazos de solicitude

No primeiro trimestre do ano.

#### Proceso de selección

A comisión de valoración examinará as solicitudes presentadas e avaliará os méritos acreditados.

Para máis información: <http://www.parlamentodegalicia.es/>

#### Duración e contía

A duración é de 12 meses. A contía total de cada bolsa será de 12.000 euros (doce mil euros) brutos, que se percibirán logo de finalizado cada mes do prazo da súa duración, a razón de 1.000 euros (mil euros) e que estarán suxeitos á retención que legalmente proceda.

## 1. Bolsas e prácticas profesionais

### 1.2. Organismos públicos galegos

Bolsas de colaboración para a realización de tarefas de información en oficinas de turismo municipais da provincia de Pontevedra.

## OFICINAS DE TURISMO DA PROVINCIA DE PONTEVEDRA. BOLSAS DE FORMACIÓN

### Requisitos

- Ser nacional dun Estado membro da UE.
- Posuír o título de grao ou diplomatura en Turismo, de técnico superior en Guía, técnico superior en Información e Asistencia Turísticas ou de técnico superior en Información e Comercialización Turísticas, na data en que remate o prazo de presentación de instancias. A titulación deberá ser obtida con posterioridade ao 1 de xaneiro de 2009.
- Acreditar o coñecemento da lingua galega, nivel Celga 4.

### Lugar

Oficinas de Turismo da provincia de Pontevedra.

### Prazos de solicitude

Ao longo do ano en función da necesidade das Oficinas de Turismo.

### Proceso de selección

Para máis información:

<http://www.depo.es/web/edepo/becas>

### Duración e contía

As bolsas terán unha duración de tres ou seis meses, contando cunha dotación económica de 840 € ao mes para as e os graduados e diplomados, de 740 € ao mes para as e os técnicos superiores, e de 640 € ao mes para quen acceda á bolsa co Certificado de Profesionalidade.

Esta cantidade será incompatible con calquera outra actividade remunerada, independentemente da súa natureza, excepto as asistencia e indemnizacións por razón do servizo, que deberá sufragar a entidade correspondente.

## 1. Bolsas e prácticas profesionais

### 1.2. Organismos públicos galegos

A Consellería de Cultura, Educación e Ordenación Universitaria da Xunta de Galicia convoca bolsas de formación nos proxectos concretos de investigación que se están a desenvolver no Centro Ramón Piñeiro para a investigación en Humanidades.

## CONSELLERÍA DE CULTURA, EDUCACIÓN E ORDENACIÓN UNIVERSITARIA. BOLSAS DE FORMACIÓN EN PROXECTOS DE INVESTIGACIÓN DO CENTRO RAMÓN PIÑEIRO

### Requisitos

- Posuír a nacionalidade española ou ser nacional dun Estado membro da Unión Europea.
- Estar en posesión do título de licenciado/a ou de grao esixido no proxecto para o que presenten a solicitude, e ter rematado no curso académico 2008-2009 ou posterior.
- Acreditar o coñecemento da lingua galega no nivel de perfeccionamento ou Celga 4.
- Non resultar beneficiario en concursos anteriores ou contratos no centro Ramón Piñeiro para a Investigación en Humanidades.
- Posuír unha nota media no seu expediente académico igual ou superior a 6,5 puntos.

### Lugar

No centro Ramón Piñeiro (Santiago de Compostela).

### Prazos de solicitude

O prazo de presentación das solicitudes será dun mes, que se contará a partir do seguinte ao da publicación da convocatoria no Diario Oficial de Galicia. Para estes efectos, entenderase que o prazo vence o día cuxo ordinal coincida co que serviu de partida, que é o de publicación no Diario Oficial de Galicia e, se fose festivo, entenderase prorrogado ao primeiro día hábil seguinte.

### Proceso de selección

Para máis información:

<https://www.cirp.es/>

### Duración e contía

A duración é de 2 anos. A contía mensual é de 990€.

# 1. Bolsas e prácticas profesionais

## 1.2. Organismos públicos galegos

A Deputación de Pontevedra ten previsto poñer en marcha un Plan de práctica laboral nos concellos da provincia, dirixido a titulados universitarios e de formación profesional sen experiencia laboral previa no ámbito da súa formación, coa finalidade de promover e completar a súa formación académica en áreas que poidan facilitar a súa futura incorporación ó mercado de traballo.

### DEPUTACIÓN DE PONTEVEDRA BOLSAS PARA PRACTICAS LABORAIS EN CONCELLOS DA PROVINCIA DE PONTEVEDRA

#### Requisitos

- Ter a nacionalidade española ou dun dos países da Unión Europea.
- Estar en posesión do título esixido para cada unha das bolsas convocadas na data en que remate o prazo de presentación de instancias.
- Ter finalizados os estudos obxecto da bolsa con posterioridade ó 1 de xaneiro do 2007.
- Non ser beneficiario na actualidade, nin beneficiarse con anterioridade, dunha bolsa dos plans de práctica laboral da Deputación nos distintos centros ou servizos, nin nos concellos ou empresas da provincia.
- Non beneficiarse anteriormente dunha bolsa remunerada de duración superior a seis meses nos extinguidos organismos autónomos.
- Estar empadroado en calquera termo municipal da provincia de Pontevedra desde antes do 1 de xaneiro de 2015.
- Estar inscrito no Servizo Público de Emprego como demandante ou en mellora de emprego.
- Non ter experiencia laboral previa na profesión ou área de coñecementos.
- Acreditar o coñecemento da lingua galega, nivel Celga IV, nas bolsas de titulados universitarios, e nivel Celga III nas bolsas destinadas a ciclos superiores de formación profesional.

#### Lugar

Concellos da provincia de Pontevedra.

#### Prazos de solicitude

Primeiro trimestre do ano.

#### Proceso de selección

O proceso de selección desenvolverase en dúas fases. A primeira, de concurso e valoración da documentación presentada polos aspirantes admitidos (expediente académico, cursos universitarios de doutoramento ou máster, posuír unha titulación universitaria ou de formación profesional distinta e de nivel igual ou superior á esixida), a segunda, de entrevista persoal cos candidatos que superen o corte establecido na primeira fase.

Para máis información:

<http://www.depo.es/becas>

#### Duración e contía

As bolsas terán unha duración de 6 meses e poderán ser prorrogadas por outros 6 meses por acordo da Xunta de Goberno.

A dotación económica das bolsas, determinada polo nivel de titulación, será de 800,00 € ó mes para titulados universitarios e de 700,00 € ó mes para ciclos superiores de formación profesional.

# 1. Bolsas e prácticas profesionais

## 1.2. Organismos públicos galegos

O Instituto Galego de Promoción Económica (Igape) convoca bolsas de formación en promoción exterior coa finalidade de formar a especialistas no ámbito da captación internacional de investimentos, a expansión exterior da empresa galega, a detección de potenciais investidores estranxeiros cara a Galicia, a busca de oportunidades de negocio e a investigación das posibilidades de cooperación internacional entre empresas galegas e estranxeiras.

### INSTITUTO GALEGO DE PROMOCIÓN ECONÓMICA (IGAPE). BOLSAS DE PROMOCIÓN EXTERIOR

#### Requisitos

- Posuír a nacionalidade española e ter nacido en Galicia; ser nacional dun Estado membro da Unión Europea e nacido en Galicia ou estar empadroadado nun municipio da Comunidade Autónoma de Galicia con dous anos de antigüidade á data de publicación destas bases.
- Ter nacido a partir do 1 de xaneiro de 1983.
- Estar en posesión dunha das seguintes titulacións: Universitarias (licenciatura, diplomatura, enxeñaría ou grao): Administración e Dirección de Empresas, Ciencias do Transporte e Loxística, Ciencias Económicas e Empresariais, Ciencias Empresariais, Ciencias Políticas, Comercio, Comercio Exterior, Dereito, Dirección e Creación de Empresa, Dirección de Empresas-BBA, Dirección Financeira e Contabilidade, Economía, Enxeñaría, Estatística e Empresa, Márketing e Dirección Comercial, Marketing e Investigación de Mercados, Relacións Internacionais, ou outras con distinta denominación pero de contidos similares ás citadas. Formación profesional: técnico superior en Comercio Internacional. Outras titulacións universitarias non preferentes (licenciatura, diplomatura ou grao) doutras temáticas coa condición de que se dispoña ademais de título de máster en Comercio Internacional.
- Coñecemento de inglés falado e escrito (mínimo B1)
- Estar dado de alta como demandante de emprego no servizo público de emprego de Galicia.
- Non ter gozado con anterioridade dunha bolsa do Igape relacionada coa internacionalización empresarial.

#### Lugar

Nas oficinas da Xunta de Galicia no exterior, no Igape ou noutros destinos concertados polo instituto en entidades públicas ou privadas.

#### Prazos de solicitude

No segundo trimestre do ano. O prazo de presentación de solicitudes será dun mes a partir do día seguinte á publicación da convocatoria no Diario Oficial de Galicia (DOG). As solicitudes presentaranse segundo o modelo oficial e xunto a documentación requirida no Igape ou en calquera das súas oficinas autorizadas. A documentación redactada nunha lingua non oficial en Galicia deberá presentarse acompañada da tradución correspondente realizada por un intérprete xurado.

#### Proceso de selección

Todos os aspirantes que presenten a súa solicitude dentro de prazo, serán convocados a unha proba eliminatoria de inglés e dos idiomas adicionais indicados na solicitude, que constarán dunha parte escrita e outra oral, na data, hora e lugar de realización que se comunicará no taboleiro de anuncios e na páxina web do Igape.

De entre os candidatos admitidos, os cen que tiveran obtido mellor puntuación global serán convocados a unha entrevista persoal.

Para máis información:

<http://www.igape.es>

#### Duración e contía

A duración inicial da bolsa establécese nun máximo de doce meses contados desde a data de comezo que para tal efecto fixe a resolución de concesión. E poderán ser prorrogadas polo Igape por un máximo de ata doce meses adicionais en función da necesidade de finalizar ou completar unha parte da formación que xa tivese comezado ou estivese a piques de comezar.

O importe máximo de subvención por bolseiro é de 42.000 € por un período de 12 meses ou a súa parte proporcional en función do período da bolsa. As dotacións variarán segundo o destino e o número de meses de estancia en Galicia e no estranxeiro. Desta subvención detraeranse a correspondente retención fiscal e a cota por cotización á Seguridade Social aplicables segundo a lexislación vixente.

# 1. Bolsas e prácticas profesionais

## 1.2. Organismos públicos galegos

O Instituto Galego de Promoción Económica (Igape) convoca bolsas formativas en proxectos de mellora competitiva. Os seleccionados recibirán formación especializada en internacionalización, cooperación empresarial e competitividade, incrementando así as súas posibilidades de inserción laboral futura. Os bolseiros poderán prestar servizos en varias pemes ou entidades diferentes, titulizados por expertos.

### INSTITUTO GALEGO DE PROMOCIÓN ECONÓMICA (IGAPE). BOLSAS DE FORMACIÓN

#### Requisitos

- Posuír a nacionalidade española ou ser nacional dun Estado membro da Unión Europea e estar empadroad/a nun municipio da Comunidade Autónoma de Galicia.
- Cumprir os requisitos do artigo 10 da Lei 9/2007, de subvencións de Galicia, para ser considerado/a beneficiario/a de subvencións.
- Estar en posesión dalgunha das seguintes titulacións universitarias: Física, Enxeñería, Matemáticas, Química, Administración e Dirección de Empresas, Economía, Dereito, Bioloxía/Biotecnoloxía e Farmacia.
- Non haber disfrutado con anterioridade de ningunha outra beca do Igape.
- Ter nado despois do 31.12.1983

#### Lugar

As bolsas gozarán en destinos escollidos polo Igape, baixo a supervisión de axentes colaboradores/as concertados/as que participen na prestación ás pemes de servizos de mellora da competitividade.

#### Prazos de solicitude

No primeiro trimestre do ano.

#### Proceso de selección

Unha comisión avaliadora examinará todas as solicitudes presentadas e os méritos acreditados.

Para máis información:

<http://www.igape.es>

#### Duración e contía

A duración inicial da bolsa establécese nun máximo de doce (12) meses, contados desde a asignación do/da bolseiro/á o seu destino, podendo ser prorrogada polo Igape por un período máximo de ata catro meses adicionais. A contía das bolsas é de 10.800 euros anuais. En caso de prórroga da bolsa, a dotación incrementarase proporcionalmente segundo a duración da prórroga. Considéranse incluídos dentro da dotación da bolsa a seguridade social, no seu caso, os impostos de carácter persoal, así como todos os gastos en que teña que incurrir o/a bolseiro/a para o desenvolvemento das fases teóricas ou prácticas da bolsa.